

四庫全書

史部

欽定四庫全書

浙江通志卷四十七

古蹟九

金華府

州舊子城 萬曆金華府志在大司前譙樓至星君樓一帶及大司後披仙臺一帶是也舊經云周四里洪志云徑一里二百九十步五尺舊有四門南保寧軍門西桐樹門北金華門東熙春門城今廢

惟遺保寧桐樹二門保寧即今大司前譙樓桐樹

今建星君樓於其上

金華雜識婺州子城桐樹門舊有桐十餘高與城樓齊則

出狀元陳亮劉渭皆應其讖

吳寧縣城 萬歷金華府志在東陽縣東二十七里

地名城裏周一里遺址今存

東陽縣志水門村去舊城遺址二百步臨

溪有石岸是其遺跡

東陽縣舊子城 東陽縣志在縣城中唐令沈彞憲

築按舊圖南至碁盤頭葛宅園對巷北至龍泉坊

即今前徐巷一帶東至十字街西為曹宅菴即所
傳八都廢城遺址

網州城 萬曆金華府志在義烏縣北百八十步今

為滿心寺

萬曆義烏縣志網州城址漫不可考相傳土中得斷碣有網州字而不知城之

盤亘止於何所今縣治正在舊網州南一百八十步城郭未必非其故也

華川縣城 方輿紀要義烏縣西南有繡川城即華

川也

萬曆義烏縣志華川舊縣城在今縣西南三十里周三百步遺址莫詳

義烏縣舊城 萬曆義烏縣志舊志稱舊城北依山

麓西帶繡湖然不紀興築為何代

謹按義烏志有西帶繡湖之文疑卽繡川城然里數步數不同因並存之

縉雲縣舊城 萬曆義烏縣志在永康縣北

古婺州城 方輿紀要在今城東四十里一云去府

西南四十里在今湯溪縣境內唐開元中始徙今

治考湯溪縣西三里有古城山

萬曆金華府志古城在府城西南四

十里廣袤五六里相傳古州城遺址今屬湯溪縣界而湯溪縣新志又云古城脚在縣西五里湯塘山上闊二丈高五尺意古之治所也

漢西部都尉治 元和郡縣志婺州本會稽西部嘗

置都尉

晏公類要郡在金華山之陽即會稽西部嘗置都尉理於此

吳東陽郡治 水經注澱水東逕長山縣南與永康

水合縣西東陽郡治也

晏公類要吳寶鼎元年置東陽郡在金華山之陽澱

水之東因名東陽

晉武陽軍節度治 元豐九域志婺州五代晉武陽

軍節度宋淳化元年改為保寧軍治金華縣

方輿勝覽

石晉時為武勝軍

宋轉運司治 萬曆金華縣志在縣治東三里瑞安坊宋轉運官行部公寓

宋婺州治 名勝志在子城正北署曰浙東第一臺
宋通判廳 名勝志在州衙西宋紹興十三年知州周綱建今為守禦千戶所

宋添差通判廳 萬曆金華府志即今府治宋紹興十三年知州周綱建

宋司理院 萬曆金華府志在州西今司獄司是也

宋貢院 東陽續志在府治西今為永濟倉

元浙東宣尉司治 萬曆金華府志在子城內即宋
州治在府治東北今為察院行臺

元錄事司 萬曆金華縣志在縣東二里譙樓北元
至元十四年建割大雲鄉隸之

隋長山縣治 方輿紀要長山廢縣在府東唐武德
八年省入金華

唐金華縣舊治 名勝志在婺州東四十里

宋金華縣尉司 萬厯金華縣志在縣東北四里二

百步旌孝門外原與麗澤書院山長解舍對後徙

東關馬舖嶺去縣五里

吳西部三河戍 名勝志孫吳置三河戍於金華之

西部唐咸亨五年即其地置蘭谿縣

蘭谿縣志新唐書云睦州

有三河戍今蘭谿西北四十里建德界有地名三河而不聞其嘗有戍兵東陽志但云建德蘭谿皆舊戍之地姑存之以俟考

元蒙古學 正德蘭谿縣志在譙樓南縣丞宅

唐烏舞巖寨 東陽志東陽縣南七里唐馬將軍陳
都使置寨於此

唐綢州治 方輿紀要在義烏縣北以綢巖名今縣
北黃蘗山下有綢巖或云州蓋置於巖下

唐華川縣治 王禕義烏縣治記唐武德四年置華
川縣其故址在縣南三十里

唐麗州治 萬曆永康縣志唐武德四年即縣地置
麗州而徙縣治於城之北

隋婺州戍 萬曆金華府志浦江縣為烏傷之北鄙
隋開皇九年為婺州戍

吳豐安縣治 方輿紀要在浦江縣西南孫氏分諸
暨立豐安縣

宋浦江縣尉司 萬曆金華府志在縣東百步按察
分司即其故址

吳太末縣治 成化湯溪縣志在九峰山下其城闈
街址歷歷尚可識焉

藏春園 正德蘭谿縣志在香溪市南宋通判范滂

所治中有樓外有池今已廢

范滂過藏春園詩春入名園何處尋東風

引步上岷嶽平疑四面雲嵐合曲轉一丘花木深
碧草華滋迷絕徑綠蘿陰影護茆林韶光向此知

歸處長與先

生供醉吟

靈洞園 萬曆蘭谿縣志在棲真寺前趙志臯讀書

園有自記

喬氏園 東陽續志在東陽縣孔山之上宋喬行簡

別業左有孔山堂右有雙峴樓臨溪有水館釣臺

皆理宗御書今沿河水礪尚存

盧士雋喬宅園遺
礪詩魯國新封甲

第開園林高下列池臺幾灣凍
老水花岸曾說當年上已杯

南湖園 石洞遺芳集東陽郭欽止創石洞書院其

居在南湖之北由西園至南園有塘有池百畝號

曰南湖有依綠堂明善堂三友堂怡偲堂東澗吟

所 王株有南湖記依綠堂見記中湯致有西園明
善堂記戴岷隱有三友堂記孫德之有怡偲堂

記又為東澗吟所記並見石洞遺芳陸游郭氏山
林十六咏清曠亭勝遊謝車馬從此始青鞵俗士
洗褊心達人增曠懷桂壑小山有桂枝名自騷人
傳我欲辯其族哀病空慨然月峽我昔汜三峽仰

天如足練安得中天月正用此時見小爛柯山中
一枰碁塵世底事無若復計勝負與彼亦何殊傾
月種梧待鳳雛此計乃可笑不如看月墮與子舒
清嘯高碧巖我誦明逸詩豹林不可到斯山幸不
遠何日歌紗帽闕雲闕白雲如高人擇友當傲世
朱門客三千一點不可致壺天閣吾廬在目中日
可理輕策乃知壺中天端勝縮地脈石井酌泉嘓
冰玉肝腑生慘凜老夫桑苧家頗欲續水品玉泉
槌玉毀珠璣蒙莊有深旨向郭不能傳千載付吾
子飛雪我昔遊青城六月對雪山吳蜀渺萬里安
得在此間玉佩羣仙停鶴馭玉佩搖空山金丹定
分子往綴通明班韞玉巖蒼巖韞白璧欲上渺無
路但傳太史占虹氣貫寶婺笙鶴亭茲山多異境
飛仙亦稅駕勿遣俗客來恐妨笙鶴下倚劍懸瀑
若劍立空潭如鏡平未能照魑魅且用斬長鯨藥
圃采芝夏黃公賣藥韓伯休吾友子郭子高趣可

與謀 考陳傳良有石洞
十咏劉過有石洞二十咏

謹按石洞遺芳集石洞乃郭氏自命其園之名非
山洞也雖名書院內有園亭諸名故錄諸園之列

隱趣園 陳樵有題胡伯玉隱趣園詩見東陽縣志

經鉏園 倪尚忠浦江西湖塘記余於湖之西偏規

為園曰經鉏門曰湖西小隱

邵氏園 成化湯溪縣志邵困故園在縣北十五里

地名邵園牆址屋基宛然敗甃有今是堂字跡

水館 韋莊有婺州水館重陽日詩

雙溪館 萬厯金華府志在府治東宋紹興間闢為

三館雙溪居中東曰赤松西曰清和

竹馬館 明一統志在金華蘭谿兩界之間

青霞館 正德蘭谿縣志縣北解石山一名小桃源

有青霞館丹井丹竈之勝

披雲館 萬厯金華府志在蘭谿縣西宋紹興中建

陳氏義莊 東陽續志在東陽縣南宋開禧間陳德

高建陸游為記

衆樂堂 萬曆金華府志在州衙後宋政和間知州

呂淙建

移忠堂 萬曆金華府志在府治宋紹興間知州錢

端禮建

明一統志舊名耐寒軒

魚水堂 名勝志在郡圃堂下有池池中有臺跨梁

其上小艇容與其間宋紹興間知州周綱重建更

名與春堂

澄清堂 一公堂 章懋重建澄清堂記元大德中

嘗即故郡治建肅政廉訪司今為巡按分巡出政之所其聽政之堂曰澄清作於至治癸亥燕處之堂曰一公作於元統乙亥外門扁曰浙東第一臺仍宋府治名也

愛人堂 萬曆金華縣志在縣治後圃宋紹興十二年令余翔建

熙熙堂 萬曆金華縣志在治後圃宋紹興中令朱冠卿改名四知堂十八年令鄭銳夫改名清燕堂

五柳堂 王十朋有婺女廣文官舍五柳堂詩

山橋書堂 東陽山水記金華山芙蓉峰宋王桎歸

隱其地理宗賜扁曰山橋書堂

王桎始得山橋隱居記金華山峙州

城之北屹若屏障所謂長山者是也山之可游者左赤松右智者三洞居其西北洞之勝聞於天下山之水緣澗而出者赤松智者二源然皆無懸絕奇偉之觀惟徐公湖居北山之峰絕頂水分兩派而下其瀉乎山之陽者由山橋而達於溪其注乎山之陰者由鹿田而入水壺洞杳默險怪水懸穴中穿雙龍洞而出臨者股立山橋一澗奔崖轉壑如紳如練乍分乍合者凡數處蓋其地之勝不特水也自潛岳寺緣澗登山可十里兩巖對峙於千仞之表皴巖怪石層見突出如關如揖如劃如關

而懸瀑當其中橫槎渡澗疊石梯山回首南望則
山川城郭極目千里為吾鄉登覽之冠嘉泰間郡
守曹公稟嘗亭其上歲久而圯予自建安歸過而
樂之欲謀隙地為書室因尋二仙遺跡將遊鹿田
過山橋望兩巖間有竹一坡竹外有石一拳意其
中必有佳處涉澗而觀之澗多亂石水蛇行斗折
或泓或激夾岸林樾幽蔭森爽其東即竹坡也竹
中巨石林立錯若置棋其極大者有二一卧坡上
如垂鵬翼一跨竹外如負鰲背二石夾乎兩崖之
間仰視巖巔崖壁蒼峭草木蒼蔚誇竒競秀殆不
可狀竹外則瀑泉瀉其右支流會其左崢嶸噴薄
細若操琴壯若奔雷水激風生凜乎不可久立坡
上者俯瞰羣山之頂下視飛鳥之背天日清明直
南數百里之山若開畫圖雙溪蜿蜒城郭環繞樓
觀隱見於杳靄之中塔寺參差於蒼茫之外縈青
繚白上與天際如凌倒景俯塵寰也此二石之勝

雖三洞不能兼其美赤松智者風斯下矣山舊為胡氏業以予愛之遂舉以質明年春始往度其地將結廬築亭為遊息之所大抵遊之曠而敞者無窈窕之趣奧而邃者乏軒豁之觀兼而有之惟茲山為然顧不為吾州之甲歟

夢仙堂 在金華見王栢長嘯山遊記

季原書堂 萬曆金華縣志在縣南望愚山王魯齋栢與倪公度兄弟講學於此今洗研池萬卷閣遺跡猶存

見山堂 萬曆金華府志在蘭谿縣治東今際留倉

春華堂 蘭谿縣志在桃花塢潘慈明之居

綵衣堂 金華先民傳在蘭谿苧竿山之陽鄉人范宏作堂以悅其親仁山先生為書扁

自牧堂 金華府志在蘭谿縣紫巖鄉吳履讀書處
春暉堂 蘭谿縣志在城中唐龍建董玘為記

世賓堂 蘭谿縣志在天福山徐宗衡宅

慈教堂 蘭谿縣志在十字街趙珙兄弟事母孝因名

老老堂 許謙有老老堂頌見東陽縣志

三槐堂 金華府志在義烏縣治內元建

信美堂 萬曆義烏縣志在舊簿廳宋宣和六年簿

徐琛建

憇堂 萬曆永康縣志在縣西大觀初令徐嘉言建

道愛堂 萬曆永康縣志在縣治宋紹興十九年令

宋授建尹穡為記

退思堂 萬曆金華府志在武義縣治後圃宋紹興

中令衛鉅建

公惠堂 萬曆金華府志在浦江縣治宋咸淳六年
知縣王安中建

清心堂 清華堂 萬曆金華府志在浦江縣治內
宋建治內又有清華堂

月泉書堂 嘉靖浦江縣志在浦江縣西北宋咸淳

間知縣王霖龍建

金華雜識元浦江吳渭字清翁
創月泉吟社延謝翱方鳳吳思

齊評其高下共收二千七百三十五卷選二百八十卷刻詩六十名以羅公福為第一其所命題則

春日田園雜興也月泉吟社集吳渭誓詩壇文曰
鄉邦之勝友雲從湖海之英游雷動古囊交集鉅
作橫陳能雄萬夫定羞與絳灌為伍如降一等乃
待以季孟之間欲辛甘燥濕之俱齊固甚難以曲
直輕重而見欺亦不可念偉事或偶成於戲劇彼
譏言特借譽而揄揚我詩如鄒曹何幸縱觀於諸
老此聲漫楚誓將不負於
齋盟一點無他三辰在上

裕齋 東陽志在太師里理宗賜馬光祖御書

魯齋 何基魯齋箴序金華王子會之居名其齋曰
魯既為記以自警復俾作箴揭之

訥齋 正德蘭谿縣志香溪范伯通之居范浚記

樂顏齋 萬厯蘭谿縣志張景留龍舒人僑居蘭谿
築樂顏齋黃潛為記

愚齋

蘭谿縣志范茂清築其兄浚為銘

綠竹軒

金華府志在府署內今名澹寧堂

月鏡軒

金華府志在府署內澹寧堂側

冰壺軒

蘇伯衡冰壺軒記魏郡鍾侯守金華創

清風軒

蘇伯衡清風軒記府經歷廳事之後

第一軒

王栢長嘯山游記金華鹿田寺後有斷崖

大石離立於竹樹間故相葉養空榜曰第一軒

浸碧軒 王栢長嘯山游記法清寺精廬倚翠曲池

涵泚有養空所書浸碧軒

高明軒 萬厯蘭谿縣志香溪范粟之居吳禮部師

道名之吳學士沉為銘

臨池軒 萬厯金華府志在蘭谿縣學士陳達之居

吳沉臨池軒詩集賢學士相門孫八法通神似右
軍奉詔曾題金殿榜承恩更號玉如君山中鐵限

穿成穴池上墨花凝作雲一代
幾人稱絕品家鷄野鷺浪紛紛

蝸殼軒 蘭谿縣志趙良恭所居吳沉有記

如意軒 喬行簡如意軒詩注在東陽法興寺

絕唱軒 東陽續志在東陽縣陳樵投筆之所

雙柏軒 釣軒 義烏縣志並在繡湖旁

菊軒 萬曆永康縣志在岡谷韓循仁築宋濂銘

芙蓉亭 萬曆金華府志在州衙後宋元豐二年春

甘露降於亭知州鍾離景伯易名甘露亭

野聲亭 萬曆金華府志在州衙後宋大觀四年知

州詹適重建改名自公堂

雙溪亭 趙抃有題婺州郡圃雙溪亭詩

極目亭 名勝志在子城上舊雙溪閣址萬厯金華

府志宋紹興間知州曹璉建

韓元吉極目亭記婺之牙城東西隅有亭

纔數椽守周彥廣嘗取未元章所書極目亭三大字榜其上然棟宇狹甚予再為婺之明年乃闢而新焉婺城臨觀之勝有三中為雙溪樓西為八咏樓東則此亭二樓不可頻至惟極目亭在後圃之隙不必命駕得與賓客共之溪光山色奇花美卉無日而非我有也陸游極目亭詩尚書曳履上星辰少為東陽作主人朱閣凌空雲縹緲青山繞郭玉嶙峋

采謠亭 萬厯金華縣志在子城前宋知州呂淙建
廓然亭 涵碧亭 萬厯金華縣志並在極目亭北

宋知州周網建

一覽亭 萬厯金華府志在金華縣學後宣德三年

郡守錢潤建

杜桓一覽亭記郡城西南隅有老氏之宮曰光孝觀觀之後有小坡隆然

而起北山玉壺金盆芙蓉諸峰望之蔚然深秀東南之層巒疊嶂如萬馬奔馳或駐或躍獻秀爭奇人莫能窮其狀西見蘭江諸山遠在天際雙溪二水蜿蜒如白龍西飛至城下合流而去至於原野岡陸星羅碁布於烟雲杳靄之間與夫山城雉堞之睥睨寺觀樓閣之參差一舉目而盡得之誠奇

觀之地也觀今改為金華縣學

嘉靖間守朱麟以太祖嘗登覽於

此重建名聖覽亭

通波亭 金華縣志在通濟橋紹興中令朱冠卿建

最高亭 名勝志在府治北宋葉蘅園內 陸游最高亭詩

新築冠鰲峯眼力超然信不窮膚寸油雲澤天下大千沙界納胸中春游到處羣花擁夜飲歡然百

榼空劉白老來忘世味只將詩酒伴裴公

可友亭 東陽志鄭剛中居坦溪上未仕時建可友

亭自為記後貴復加增葺又自為記 潘義榮可友亭詩君不見

子猷嗜酒與俗殊愛竹不可一日無又不見太白
清狂世絕倫舉杯邀月獨相親風流二子去已遠
塵埃那復聞高人鄭侯未過身更閒躬耕自得園
圃間開軒容膝日寄傲坐對蕉萋萃嶺之西山西
山蒼翠如堆玉松奏竽簧雲作屋澄鮮爽氣日月
佳不學世情易翻覆田文唾面真小兒程公署門
良可悲悠悠權利亦何極樂哉此友誰能知鄭侯
與我論心久年少相從今白首對山勿若絕交書
要須著我
成三友

望西亭 東陽山水記金華縣北鹿田寺後最高處
翫雲亭 東陽山水記在州北密印院後山巔

池亭 金華雜識在金華山智者寺有碑刻陸放翁

所撰池亭記

御風亭 冷然亭 並見呂祖謙遊金華赤松記

玉乳亭 枕流亭 雷音亭 在赤松山並見王柏

長嘯山游記

椒亭 名勝志金華縣三洞下洞之右有椒亭亭上

望洞古若鐵甕

極高明亭 萬曆金華縣志在麗澤書院後元建

清隱亭 悅心亭 陳樵有金華清隱亭悅心亭詩

蘭臯亭 正德蘭谿縣志在縣治即宋之蘭陰閣

東峯亭 名勝志蘭谿城東有亭跨東山之勝曰東

峯亭萬厯金華府志舊名新亭唐洪令所建洪令

失名字少卿貞元十七年為令後更名東峯今其

地為景賢祠

馮宿東峯亭記東陽實會稽西鄙之邑歲在戊寅郡蘭谿實東陽西鄙之邑歲在戊寅

天官署洪君少卿為宰未期月而政成後三年夏六月余過其邑洪君尊余以邑之勝賞於是有東峯亭之遊背城之闔半里而近初屆佛刹刹上方而亭在焉松門蓋空石道如帶足倦累息然後造夫極馬向之池隍館宇之多旗亭闌闔之喧途道往來之衆簿書鞅掌之繁顧步之際忽焉如失

但山風颼颼嶺雲嵯嵯飛軒憑空澗壑在下向背殊狀昏明易色指遙青而抹黛者問之則曰某山其巖其林壑指遠白而曳練者問之則曰某洲某渚其湫其塘高深互陳心目相競飄若象外意共幻成先是邑微登攀遊觀之所洪君挈俸錢二萬經斯營斯因地於山因材於林因工於子來因時於農隙一何易也崇山峻谷佳境勝槩綿亘伏匿一朝發明又何能也君在建中興元之間為江南西道節度曹王所知時方軍興供億倉卒賦平人和王實賴之故御史大夫鄭滑節度盧公羣與君嘗同僚每號之曰精金百鍊良驥千里誠然矣然則是邑之理茲亭之勝於君之分不為難能夫措芳塵而鼓餘波者非文莫可遂攬筆為記刊於石而附諸地志焉貞元十七年記

秀野亭 萬厯金華府志在蘭谿縣香溪東山之側

宋通判范許建

范浚秀野亭詩山作屏風雲作籬
峇峩亭子俯漣漪絕知此地風光

好直謂主人心跡奇側塞亂花紅破徑檀藥高
竹翠綠陂惠連自喜陪幽賞判却歸時倒接羅

激湍亭

吳師道遊小三洞記下洞為廣福院有飛

亭跨水上扁曰激湍淳熙中南城曾槃立

半山亭

正德蘭谿縣志縣東洞巖山之腰舊有半

山亭今石磴具存

范端臣半山亭詩窈窕轉巖腹
劃然見孤亭橫分樹矗矗下枕

溪冷冷日暮人跡
絕猶聞樵斧聲

山意亭

東陽山水記在蘭谿縣南桃花塢東高峰

上俗呼千人樓元知州辛忍仁建

吳師道有記

溪山一覽亭 正德蘭谿縣志在縣北勝山坦溪山

人鄭誠夫作遺址尚存

池亭 萬曆金華府志在蘭谿縣瑞山鄉徐秉國建

以延金仁山先生今池尚存

于石書池亭詩曲曲闌干面面櫺紅塵飛

不到斯亭避人幽鳥入深竹戀釣遊魚弄翠萍天閣倒涵秋水碧牆低不礙遠山青翛然獨占閒中

趣一枕荷風午睡醒

佳山水亭 東陽山水記在蘭谿城南塔下

吳師道題城塔

小亭詩百年老屋半蒼苔一日佳奇舊觀回浮世
何曾改川岳高懷艸復寄亭臺夜深漁艇簷間宿
日落山窗竹裏開此去京華
踏塵土時時應有夢飛來

寒碧亭 晏公類要在東陽縣南五里峴山下唐寶

歷二年縣令于興宗建有唐劉禹錫詩并序

東陽志于

興宗於亭下穿方池刻石作雙魚引水貫其中以
為流觴之勝方輿勝覽寒碧亭上有鮑令巖宋元
豐五年令鮑拯修禊於此石上有鮑令巖三字元
祐中重建改名清虛堂方于寒碧亭詩高低竹籬
松積翠復留風路極陰溪裏寒生暑氣中開雲
低覆草片水靜涵空方見洋源牧心侔造化功

水樂亭 名勝志東陽縣峴山二峯對峙西峴飛瀑

數丈下注於澗淙淙如漱玉宋熙寧中王槩作亭

澗上名水樂亭

蘇軾寄題東陽水樂亭詩君不學白公引涇東注渭五斗黃泥一鍾

水又不學哥舒橫行西海頭歸來羯鼓打梁州但
向空山石壁下愛此有聲無調之清流流泉無絃
石無竅強名水樂人人笑慣見山僧已厭聽多情
海月空留照洞庭不復來軒轅至今魚龍舞鈞天
聞道磬囊東入海遺聲散在海山間鏘然澗谷含
宮徵節奏未成動君喜不須寫入薰風絃縱有此
聲無此耳蘇轍和水樂亭詩君不見武安堂上立
曲旃官高利厚多憂患又不見夏侯好妓貧無力
簾箔為衣人莫識兩人操行雖不同辛苦經營實
如一不如君家激水石中流聽之有聲百無憂笙
竽窈渺度溪谷琴筑悽咽穿林丘高人處世多澹
泊泉聲過耳皆為樂退食委蛇石上眠幽音斷續

林前作正如古人樂易多徽娛積土為鼓黃
為桴但能復作太古意君今水樂真有餘

謹按蘇軾詩本寄題東陽水樂亭而咸淳臨安志
力辨其當屬錢塘之水樂洞且云賈似道嘗得此
詩真蹟題云右賦東陽水樂洞蓋此地隸東陽村
云今考錢塘縣無東陽村名且王十朋輯注蘇詩
題下載蘇自注云為東陽令都官王傑作觀起
句君不學云云明指王都官其屬東陽無疑

白雲亭 萬曆金華府志在東陽縣八華山許白雲

講學之所

胡翰白雲亭記距婺之東百有五十里
其邑為東陽未至邑四十里其鄉為懷

德其山有曰八華山故文懿許先生講學之所也
山之麓許氏居之其兄弟曰和伯曰晉仲伯温伯
恭自以其生也晚不及登先生之門幸嘗私淑諸
人與有聞焉顧瞻遺躅日接吾前又幸而未泯也

則先生之流風餘韻被及乎山川草木者豈直吾鄉之榮哉誠有槩於心矣乃度地於山之冢構亭曰白雲而屬余以記其成白雲者先生故所自號也因其故號而扁之尚德也乃為之記許元八華山白雲亭詩千尺嶙峋舊有亭白雲收盡八峯青我來重上松風閣急雨秋濤白日聽

峯回亭 東陽續志在東陽縣南桃巖之後俗稱山

背亭

東陽縣志元時永嘉高則誠從烏傷黃文獻游不聞其讀書既辭歸黃偶登其所居樓見壁間書乃琵琶記草文詞淹博意義精工讀而竒之追餞此亭三杯而別因傳為三杯亭

白鷺亭 馬之純有白鷺亭詩見東陽縣志

臨清亭 通幽亭 可欵亭 萬厯義烏縣志並在

縣治廳事後元皇慶中建

晚照亭 萬曆義烏縣志在丞廳宋紹興中沈直方

建

清曠亭 萬曆義烏縣志在舊繡川驛宋紹興十五年令董燿建乾道四年改名德星堂

挹繡亭 義烏縣志在舊繡川驛宋乾道中令張劼建

溪上亭 東陽山水記酥溪唐戴叔倫留詩處後人

構溪上亭

崇禎義烏縣志唐貞元中戴叔倫令吳寧過酥溪有詩云酥溪亭上草漫漫誰

倚東風十二闌燕子不歸春事晚一汀風雨杏花寒元至正十七年胡璉築亭溪濱以存勝蹟

會景亭

清曠亭

擷芳亭

綠雲亭

叢玉亭

素香亭

繡光亭

清勝亭

萬厯義烏縣志並在

繡湖傍

鳳林亭

王禕鳳林亭記鳳林亭吾王氏之所作也

鳳林鄉名在義烏之南鄙

飛虹亭

萬厯永康縣志方巖頂兩石對豎俗呼峯

門下有飛虹亭

松石亭 金華府志在永康縣延真觀宋嘉泰中立
翫珠亭 萬曆金華府志在武義縣明招寺前阮孚

游處

鞏豐咏翫珠亭詩明招林麓遂按古有遺蹟風流阮將軍誠不負此屐邂逅失元珠驪頷

求不得何年走其中千載未有獲禪家獨眼龍來
此駐銚錫羣龍竟趨之獨眼如未識任其自紛拏
笑伊虛用力南渡東萊翁實在肇幽宅褒武錫元
勳自天開北域歲時來上塚車馬隘阡陌念昔事
先生同門至千百旦旦對此山相視真莫逆自閱
大火災屐徑愈寥寂斯亭築山巔如人岸巾幘自
徑以登亭俄然判儒釋挾朋吟松風橫琴坐苔石
亭居衆木間占地僅二席玲瓏八窗通未覺棟宇

窄被褐士所懷嗟自比秦璧照乘與藏淵其勿昧
所適庶幾慰九泉夜光生麗澤若支亭子壞則付
斧斤克客去我無
言未開四山碧

蠟屐亭 武義縣志在明招山前晉阮孚好屐後人
以其遊處因以名亭

金貂亭 呂喬年金貂亭記晉鎮南將軍阮孚之墓
亭也嘗以金貂換酒後歸明招山下終焉山有蠟
屐亭右名金貂識公故事也

換酒亭 葉適有寄呂巽伯換酒亭詩見武義縣志

壺山亭 萬厯武義縣志縣西壺山上有亭令張國

裳為柱聯曰錦繡萬花谷乾坤一草亭

水簾亭 萬厯武義縣志縣南金柱山上有懸瀑鞏

栗齋築亭與朱晦菴呂東萊講學於此

綠映亭 萬厯武義縣志在縣東宋尚書劉滂建

呂祖

謙題劉氏綠映亭二首涼葉翻翻不受塵芒屨藤杖及清晨開窗水放前溪入澄綠光中獨岸巾鷺浴魚跳在鏡屏搖青浮碧太鮮明牆東種得陰成幄隔葉看來却有情

月泉亭 嘉靖浦江縣志在縣西月泉上其泉與月

為盈虛宋政和三年令孫潮訪舊址疏為曲池築

亭以備遊觀

後為月泉書堂

元暢樓 太平寰宇記金華縣城南臨溪高阜上有

樓曰元暢宋沈約吟咏於此

八詠詩注南齊隆昌元年太守沈約作八

詠詩留題於元暢樓壁間

萬曆金華府志八詠樓在府學西舊

名元暢太守沈約建有八詠詩宋至道間知州馮

伉易名八詠景祐三年知州林洙重建後改為星

君樓之玉皇閣移其扁於八詠門城樓上

崔顯登八詠樓

詩梁日東陽守為樓望越中綠窗明月在青史古
人空江靜聞山狷川長數塞鴻登臨白雲晚流恨
此遺風嚴維送客之東陽詩明月雙溪水清風八
詠樓少年為客處今日送君遊謝翱八詠樓詩江
山此清絕寒角夢中吹飛鳥過帆影遊塵空戟枝
水交明月動槎狀故洲移已薄齊梁士猶吟沈約
詩趙孟頫八詠樓詩山城秋色靜朝暉極目登臨
未擬歸羽士曾聞遼鶴語征人又見塞鴻飛西流
二水玻璃合南去千峯紫翠圍如
此溪山良不惡休文何事不勝衣

清風樓

萬厯金華府志在州城旌孝門東城上元

馮佺建

萬厯金華縣志縣東三里石碕巖下瞰大
溪巖下有洞嘗見梅花泛出因名梅花洞

樓在其上金華雜識郡城南有八詠樓其東有明
月樓又東有清風樓爭雄競勝而溪山之槩攬挹

無遺矣

謹按金華府志稱元指揮馮伉建考伉以宋淳化五年守金華此樓當與八詠並建蓋郡志之誤也

明月樓 金華游錄在州城赤松門石碕巖城上宋

宣和中建

黃潛明月樓詩遺堞何年有飛甍歷上頭鼓鞀分大幙香火望靈湫曲岸舟如

失遙沙樹欲浮登臨且吾土未敢恨淹留

翠微樓 輿地紀勝在州衙之北子城上宋元豐中

知州范子明建

萬曆金華縣志元符中知州孫載改為迎華樓

雙溪樓 方輿勝覽在郡城上米元章書金華府志

樓俯瞰雙溪宋熙寧中建政和初知州呂綜改名

疊嶂

萬厯金華縣志在通遠門外雙溪合流之陽即宋麗澤書院故址舊在黥樓前外城上宋

郡守黃特

建米芾題

金華樓 金華府志在府子城上對金華山

明遠樓 萬厯金華府志在州西南七十三步

萬厯金華

縣志樓在縣東南三里宋錄事參軍解舍跨門建樓盡見一縣山水

華豐樓 萬厯金華府志在金華縣南今惠民藥局

宋酒務故址

赤松樓 萬曆金華府志在州城赤松門呂成公記

平遠樓 金華府志在州東清河館後盡見溪山

邀月樓 在赤松山見王柏長嘯山游記

聚星樓 萬曆金華府志宋宗室子趙良恭建在蘭

谿縣隆禮坊杜清碧書扁黃文獻公記

蘭谿縣志至順庚辰

仲冬大雪趨敬德置酒聚星樓上張景留錢彥明董心傳傳德元吳敏德源伯濬仲徐均善逢吉主賓儿十人賦詩引歐蘇二公賞雪故事亦一時之佳會也

輝映樓 陳樵輝映樓賦序東陽縣學之傍有輝映

樓宋紹興二十六年令劉偉建

文星樓 成化東陽縣志在縣東子城之上宋寶祐元年令何宗社建

白雲樓 劉基有永康胡元鼎白雲樓詩

聽泉樓 萬曆永康縣志方巖東石谷舊有樓曰聽泉胡濟源作蘇伯衡記

天階景璧樓 萬曆武義縣志在白嶺

張國蒙重建天階景璧樓

疏舊為
婺星樓

玻璃閣 金華雜識在金華山智者寺後

蘭陰閣 萬厯金華府志在蘭谿縣治清心堂後宋

建明洪武末即其地作望雲樓今為蘭臯亭

逸老閣 萬厯蘭谿縣志宋唐堯卿建今址存

蒼漪閣 蘭谿縣志在天福山告天臺側

環翠閣 東陽縣志在縣南五里中興寺後宋治平

間建紹興初令王榕榜今名

面香閣 東陽縣志宋紹興中令留觀德建於西北

隅前植叢桂故名即縣署舊址

淨照閣 萬曆義烏縣志在舊丞廳宋紹興十二年

沈直方建

屏風閣 萬曆永康縣志方巖之頂有洞深二丈即

洞為閣在佑順祠後

披仙臺 萬曆金華縣志又名望仙在千戶所後子

城上相傳即觀星臺

金華府志在子城上金華樓西前對金華山

蓬瀛臺 金華雜識金華山二仙祠有碑刻蓬瀛臺

三字

釣魚臺 明一統志在府城下湖水四時清澈

告天臺 李得陽告天臺記蘭谿趙氏自清獻六傳

而生禕禕生景文登宋進士任蘭谿簿因家焉今

蘭谿稱巨族者趙氏為最立臺於縣南福山之巔

以祀清獻而配以禕是臺也裔孫郡丞佑卿主之

吳寧臺 東陽縣志在縣圃後宋紹興十三年令吳

垵建葢以吳寧舊縣之名名之也上有樓名應宿

樓俞允撰吳寧臺詩琴堂畫靜鎖蒼苔高阜栽栽繞碧隈西越山川多異產東吳花縣起靈臺霜寒歸雁梅將放日暖舒挑燕又來虛閣凌波魚涌躍誰堪作賦有鴻才

天香臺 東陽縣志 有亭塘八景一曰天香臺

湖山第一臺 萬歷義烏縣志在舊丞廳宋紹興中建

登高臺 金華府志在義烏縣雞鳴山上九日登高於此

觀音臺 義烏縣志在派溪為十景之一

兜率臺 鄭東白遊永康壽山記方巖之巔有石洞
洞前有臺石上書兜率臺三字相傳為考亭書按
志考亭嘗與東萊龍川三先生講學於此

風月臺 潘珣有題府館風月臺詩見永康縣志

鳳簫臺 宋濂桃花澗修禊詩序浦江縣元麓山桃
花澗水出焉石人立者高可十餘尺曰鳳簫臺

迴車宅 萬曆金華府志在州西南二百六十步州
牧秩滿僑寓於此

劉峻宅 太平寰宇記金華縣徐公湖梁劉峻居此

湖東山之上撰類苑一百二十卷

萬曆金華府志金華縣紫微巖

有講堂洞即梁劉孝標隱居講學之地著山棲志
金華府志武義縣講堂山劉峻亦嘗築室講書於
此何基山棲志跋靈巖古剎聞昔乃孝標之故宅
此地上接紫微巖雙龍洞天想其一時飛履上下
千峯紫翠之間風致猶目前也雖遺跡不可追企
而泉石影響尚存寺之法堂重葺謹以山棲志舊
文鐫之此文雖齊梁間餘體而古雅特可喜所謂
流湫者蓋洞天之水也劉峻始營山居詩自昔厭
喧囂執志好棲息嘯歌棄塵市歸來事耕織鑿石
闕蕉堯開軒望嶺前激水闕前流修竹堂陰植香
風鳴紫鶯高梧巢綠翼泉脉洞杳杳流湫下不極
髣髴玉山隈想像瑤池側夜誦神仙記旦吸雲霞

色將馭六龍興行從山鳥食
誰與金門士撫心論胸臆

滕浩宅 東陽人物志浩字至剛家赤松之梁山後

隱於玉壺山

金華府志梁山北近盤泉中有土田居民多滕姓者昔滕至剛寓此

王楚宅 金華府志在城山

王楚四山敘詠山橋余所隱也城山余所居也

呂祖謙宅 萬厯金華縣志縣北四二坊儒宗嶺呂

祖謙之故居唐仲友宅亦在焉

東萊呂公祠堂記公晚年置屋

於城之北隅以舊居歸之官後門人請於郡以舊居之半為祠堂扁以麗澤書院內為遺書閣

倪普宅 萬厯金華縣志在縣西南望山宋樞密倪

普退隱於此每登之以望臨安

許謙宅 萬曆金華府志金華縣觀山謙六世祖由

平江徙居於此因名許村

娶書謙別字白雲山人宋亡家毀僑居城闕

舒元輿宅 東陽志蘭谿縣花園塢相傳為唐相舒

元輿之故居

蘭谿縣志純孝鄉白露山下有源曰現坦源右有山曰舒婆塢相傳為唐

相元輿故居其下有田十餘畝名曰花園塢臺榭遺址尚存有墓有廟皆以元輿為本邑人然考之唐書以為東陽人豈其祖居東陽而遷於是耶抑唐以前郡名東陽而以屬邑槩稱未可知也名勝

志武義縣書臺山

亦稱元輿讀書處

范浚宅 名勝志蘭谿縣香山下有香溪宋范浚居

其上

蘭谿縣志范浚所居有慎獨齋自為記又有顏樂齋

范鍾宅 正德蘭谿縣志宋丞相范公故府在純孝鄉清口公以淳祐六年乞歸里八年薨於金華驛蓋其家築室猶未就也

張潤之宅 萬厯金華府志蘭谿縣石阜嶺宋張潤之讀書於此築湓東書院

陳萍宅 蘭谿縣志元大司徒陳公故府初居桃塢

後徙赤溪

方太古宅 嫠書太古居蘭谿溪上因號寒溪子其所居有皎皎灘

章懋宅 蘭谿縣志其先居浦城後徙至蘭谿純孝

鄉

金華雜識章楓山居在白露山下

斯敦宅 東陽人物志吳斯孝子其宅在東陽縣東四十里斯山頭

陳安居宅 東陽山水記東陽有甌山上有石壇下

有白雲洞東晉陳安居學道之所

許攸宅 成化東陽縣志晉孝子許攸宅在十六都

虎峰下藍硯村

發書攸執親喪鎮宿墓所積十餘年後乃娶妻立宅墓次

羅隱宅 名勝志東陽縣鮑令巖右有唐詩人羅隱

宅

東陽縣志宅在縣南五里勒馬峯之麓墨池存焉宋元祐中建樓賢菴曹冠羅隱故宅詩翠微

深處有山居騷客當年此結廬散策喜看遺址在便吟招隱意何如

謹按羅隱新登人其宅在新城縣東五里今金華郡縣志亦載且引宋人曹冠詩為證姑錄之

喬行簡宅 名勝志東陽縣孔山宋丞相喬行簡第

在其下舊有孔山堂雙岷樓釣游亭皆理宗御書

朱汎宅 萬曆金華府志晉朱汎永興中任臨海太

守秩滿居蒲墟村遂為義烏人

宗澤宅 婺書宗忠簡公有一子五孫子穎至京口

止家焉遂葬公江上諸孫還烏傷者苗裔至今存

吳之器有詠懷吾邑古蹟宗忠簡公故里詩見義烏縣志

王禕宅 金華雜識在義烏縣繡湖傍

宋濂華川書舍記華川書

舍者烏傷王君子充學文之所烏傷有大澤為華川今繡湖即其地子充之居直湖之陰繫以舊名

志乎古也蘇伯衡夢芝軒贊序華川先生王禕生於至治壬戌生之前夕大父南稜公夢芝產於所居之軒榻有異兆也崇禎義烏縣志青巖山居王禕讀書其中自撰青巖山房記

呂皓宅 萬曆永康縣志縣東北桃巖有洞可容數

百人宋時呂雲溪皓隱居於此

胡則宅 金華先民傳則永康人家於方巖後立為

祠

張彥卿宅 東陽山水記武義縣東白陽山晉阮遙集之弟妻劉氏劉伶之女因好山水渡江來隱張

彥卿為永康令亦居於此二姓子孫因家焉

金談宅 萬歷金華府志武義縣東小姬山晉金談
為吳興太守後辭歸隱居於此

李惠宅 金華府志武義縣李公山宋隱士李惠居
此

吳萊宅 嘉靖浦江縣志吳溪去縣西十里吳萊之
居在焉

方鳳宅 謝翱遊仙華巖麓記由月泉至仙華巖麓

十五里巖之麓曰鄭村友人方君韶卿廬焉

金華文畧

浦江仙華山殊為秀絕方屬詩仙華蟲萬仞我乃廬其東

戴良宅 金華府志浦江縣北九靈山戴良居此故

號九靈山人

龍邱萇宅 金華先民傳漢新莽時隱居九峰巖

地今

屬湯溪縣

徐安貞宅 太平寰宇記九峯山有唐中書侍郎徐

安貞讀書巖

成化湯溪縣志在縣北十里地名洪塘後裔猶有存者蘭谿縣志東陽志

載安貞為本縣人而信安志又以為龍游人然安貞嘗讀書九峯山雖兩縣界而舊實屬蘭谿當以東陽志為是今九峯已分屬湯溪矣

徐伯珍宅 金華先民傳伯珍金華人其地今隸湯

溪宅南去九峯山數里伯珍移居之庭除木生連

理雙白鶴巢於戶牖

成化湯溪縣志在縣西五里地名界牌

楊與立宅 萬厯湯溪縣志在縣北十里地名白馬

潭

金華雜識楊船山與立家蘭谿其幽居詩云柴門闌寂少人過盡日觀書口自哦餘地不妨栽

竹木放聲啼鳥往來多

謝后宅 金華府志湯溪縣西南苦竹源宋理宗后

謝氏所居之地今其宅匪為深淵

月榭 萬厯金華府志在府城上宋元祐間建

八位門 萬厯金華縣志在坦溪以宋鄭剛中有八

曾孫伯衍伯謙伯源伯衍伯光伯永伯承伯慧皆

登顯仕而名

靈洞山房 蘭谿縣志在栖真寺前趙志臯讀書處

二酉山房 蘭谿縣志北城思親橋畔胡元瑞藏書

於此王世貞記

胡應麟二酉山房記書以經類者三千七百餘卷以史類者再倍之

子三倍集四倍凡三萬六千卷有奇友人黎維敬題曰二酉山房

月區 金華雜識蘭谿北胡珏伯玉之居有明遠樓

左有一區穹窿其巔周密四旁堊以白竅其前如月形障以紙天光照映虛明常若月在其所扁為

月區

茶院 東陽山水記去東陽縣治東五十里曰獨山望如城郭中為深塢唐宋時有司常治茶於此設

茶院

東巖書舍 宗禎義烏縣志在縣東二十五都清德

里滴水巖宋虞復建遺址尚存

水竹洞天 宋濂水竹洞天記同郡胡君伯器世居

烏傷酥溪之上其地山環水縈伯器擇其勝者作

亭其間扁曰水竹洞天而請國子助教鄭濤篆之

鶴鳴畷 金華雜識在永康縣東北三十里俗傳梁

時石翁山鑿石有雙白鶴飛出

佚老菴 呂祖謙佚老菴記橫山吳君泯治別室之

西偏榜以佚老菴

在永康縣

三陽小隱 嘉靖浦江縣志在仙華之麓宋趙崇禔

於此植梅數里名曰梅塢明張應槐仍舊址結廬

曰三陽小隱

鄭氏義門 柳貫鄭氏義門記吾里鄭氏以義門被

旌表自其遠祖淮與二兄居於承恩里其後浸盛

名其地曰三鄭及八世不裂籍以為異用故事賜

旌表大書其門曰孝義鄭氏之門

鄭奕白麟溪鄭氏義門詩麟溪

流水漾清輝華楔文光動紫微九世同居端有義一門純孝在無違桂林秋露侵黃卷棗萼春風照

綠衣昔日千齡同不朽五雲製錦出綸關

靈淵精舍

嘉靖浦江縣志縣東東明山元青田尉

鄭德璋創精舍於此以教其族人內有成性四勿

繼善九思四齋傍有水一泓曰靈淵淵東百步有

梅花泉

石室

嘉靖浦江縣志在烏蜀山柳貫讀書之處高

敞可容百餘人

青蘿山房 婺書宋濂授經浦江鄭氏樂其門風因

築室於浦江之青蘿山作山房志

浦江縣志山房前舊有石一片

刻曰宋公園王汶遊青蘿山記宋公園宋太史來遷於此偶閱宋嘉定末官給地券而此園已先有宋公之名太史嘗嘆其數已前定

盧畷 成化湯溪縣志縣東南有輔倉源昔昭利侯
盧文臺嘗耕於此故名

百花廳 萬曆湯溪縣志在縣南三里地名上境宋

理宗為駙馬劉文彥建

花錦地

金華府志在金華縣西五里有石如錦因

名又永康縣西三十里有石廣數丈文采如錦

古柏垣

蘭谿縣志古柏垣在徐用檢瞻菴內楊溪

橋之東相傳柏植於宋元間明太祖取婺時曾駐

師其下

浙江通志卷四十七

欽定四庫全書

史部

浙江通志卷四十八

詳校官給事中臣戴璐

檢討臣德生覆勛

總校官編修臣倉聖脉

校對官典簿臣劉景岳

謄錄舉人臣陳賓

欽定四庫全書

浙江通志卷四十八

古蹟十

衢州府

州舊子城 弘治衢州府志子城在城之東東西為

兩夾門皆有樓南設門與麗譙相直環城內有馬
路居民築為園圃僉憲曹英開辟橫濶一丈二尺
監郡巴延呼都克築為新城今存荒址

舊三城 輿地紀勝衢故城有三一在驛馬橋之南

唐末黃巢之亂設寨於此一在開化寺北疑是定

陽故城一在章戴之白石疑是穀州故城也

弘治
州

府志三城廢置莫考方輿紀要定陽城在常山縣
東南三十里地名三岡遺址猶存天啟衢州府志

穀州古城去州城二十五里城址
猶存今為古城院疑即穀州故城

信安城 方輿紀要相傳在今城西宋宣和三年方

臘作亂始築

天啟衢州府志信安故
城在西安縣南六里

姑蔑城 元豐九域志在穀水南三里東門臨薄里

溪是也今東陽大末縣

名勝志龍游縣北五里穀溪上有姑蔑城萬厯龍游

縣志姑蔑故城舊經云城東西二百一十二步南北一百六十八步高一丈七尺厚四尺周四百七十步至今人

猶呼寺城麓

大末城 輿地紀勝在龍游縣治西

輿地紀要龍立故大末也

武安城 太平寰宇記龍游縣武安故城唐證聖二

年置武安縣以地有武安山今邑已廢故城尚存

江山土城 天啟衢州府志在江山縣高尋二尺今

不存惟濠水自景星門入環縣治如帶

宋西安縣舊治 西安縣志按舊志縣治在先義坊

距府治五十步又謂在子城西北三里居仁坊元

初燬至元二十八年尹王茂徙於禮賢門外嘉慶

坊大德八年徙府治西至大三年始徙今仁壽坊

宋貢院 明一統志織染局在府治西北宋為貢院

元至正間改為局

元錄事司治 天啟衢州府志在府治西仁壽坊即

今西安縣治

元萬戶府 信安志在錄事西居仁坊

元蒙古學 弘治衢州府志在府西北四百步金紫坊至元十八年始設教授

古姑蔑國 路史國名紀姑蔑一曰姊妹大末也

萬歷

龍游縣志縣西北百餘步靈耀寺晉義熙中即姑蔑故宮址建其伽藍神謂是姑蔑子

吳豐安縣治 嘉靖浙江通志在龍游縣境西孫吳

置

唐穀州治 方輿紀要龍游縣北五里穀坡亭在穀

水旁唐武德四年穀州置於此

唐盈川縣治 太平寰宇記在州南九十里唐如意

元年分龍丘縣西梧山玉泉等鄉置盈川縣元和

七年併入信安龍丘二縣

西安縣志廢盈川縣去縣四十里城址尚存其

下潭水至深丹崖翠壁亦稱勝地龍游縣志盈川潭唐初建治於此楊炯為今至今猶祀之

唐白石縣治 萬厯龍游縣志舊址在縣南三十五

里白石山麓

龍游縣志靈山與白石山相距里許為邑南巨鎮或云即白石縣故址

元陳村營 龍游縣志在治西南六十里元至元中

立

唐常山縣舊治

元和郡縣志在今縣東四十里

嘉靖

浙江通志在常山縣
常山鄉今尚有街路

吳定陽縣治

弘治衢州府志在常山縣定陽鄉孫

氏置縣於此

晉信安縣治

方輿勝覽在常山縣招賢街下太康

時建

元草萍營

弘治衢州府志在常山縣二十五里至

元二十一年立

唐須江縣治 名勝志在江山縣唐武德四年分信安之南川置須江縣以南有須江故名

唐武安縣治 嘉靖浙江通志故武安縣在江山證聖三年割常山須江弋陽置武安縣以其地有武安山故名今廢址尚存

宋禮賢縣治 天啟江山縣志宋咸淳間改江山為禮賢縣縣治在太平寺今禮賢鎮也城隍廟猶存

元江山軍營 弘治衢州府志在江山縣仙霞關

菱塘諸園 天啟衢州府志郡城東隅今即楊公河

舊志塘濶近百畝中有長隄亘數十步環池島嶼

縈紆竹樹茂密東有邵祭酒之野航趙別駕之雪

齋劉二卿之壺中天宇余甸公之東湖道院趙安

慶之更碧樓劉南安之退菴西有劉江陰之別墅

毛紫薇之水國秋陸衡陽之環勝

南園 弘治衢州府志在郡城有春風樓

登春園 韶光園 弘治衢州府志並在郡城

西湖園 萬歷龍游縣志在縣治南宋馬天驥以樞

密奉祠歸濬湖起花木亭榭擬杭西湖故名

留春園 嘉靖浙江通志常山縣留春園亭榭舊有
一十餘所在縣治後

日涉園 天啟衢州府志在江山縣東白巖有飛瀑
宋靖康末邯鄲李傳正愛其秀拔因治圃於此

趙氏園 弘治衢州府志江山縣西山景盤趙氏園

內有梅泉

介園 開化縣志縣北石壁峭立有石梯橋勢若飛
虹山石之竒不減西湖飛來峯今為蔣氏介園

河陽圃 崇禎開化縣志縣治內有河陽圃有友山
堂熙春亭翼然亭放生池池心又有載月亭無塵
亭觀民亭

雁序館 名勝志在郡城西唐咸通中刺史趙磷與
其弟處州刺史瓚會別之處

景星館 明一統志在江山縣南五十步宋汪大猷

辛棄疾皆留題

白雲莊 輿地紀勝在江山縣南三十五里石門有

軒堂臺榭之勝邑人毛維瞻建趙抃題四詠

趙抃次韻

毛維瞻白雲莊詩四首好山深處靜開軒目送孤
雲手弄泉枕石堂無金玉富濯纓家有子孫賢初
尋舊隱迢三代已發新吟僅百篇聞說夜分煩暑
散涼颺渾似素秋天右掬泉軒亭號休休古退藏
豈如溪上構虛堂坐邀城市真瀟灑却謂江湖太
渺茫下筆新題無俗事措筇野服是家常臨流最
有清風快未見古人心已涼右平溪堂治圃我依
浮石灘築臺君占白雲山三秋一日登臨外千里

同風咫尺間峯黛陰晴常黯黯溜琴朝夕自潺潺
休官誰道何曾見林下如今兩處閒右晚望臺溪
流回合逗方池軒檻時臨面翠微紫陌紅塵行不
顧白雲青嶂坐忘歸方榮即隱誰能繼未老先休
世所稀我昔凌雲登閣會主
翁留散見瞻暉右懶歸閣

龜峯堂 輿地紀勝在府治內

雙檜堂 晏公類要在州衙宋開寶七年建刺史慎
知禮記

雙石堂 輿地紀勝在州治廳左宋紹聖中守孫賁
建

思政堂 天啟衢州府志在郡治宋守張嶠作

超覽堂

弘治衢州府志郡守吳興施公作

毛刊施覽堂記

郡跨龜峯之上南山為最近反蔽於譙門之樓屋
昧然不快於心太守吳興施公步過東山堂前嚮
若堆阜崛起數仞上可容百人仰而望之則萬峯
闐然出於林木之杪高者下者向者背者前者却
者銳者平者如遊龍者如色雲者繚者如屏峙者
如壁角秀爭雄表裏呈露頰仰萬殊蓋古今之勝
槩盡於此矣其下曠野平川一俯千里近則連抱
之木疎幹垂陰庇暎左右乃作新之以為觀遊而
其南為延宇植檻憑虛層軒逸風亢爽宏寬四達
既成遂以超覽名之又為亭曰月坡不連戶牖之
間几席之上飄然若決浮雲而
遊乎埃壙之外也遂書以記之

景高堂 弘治衢州府志宋蕭忱作於郡治之後圃

聞人阜民景高堂記大理丞永嘉蕭君忱以面對
論當世務切於民者上嘉納之於是剖分左符至
循訪民疾苦抑損先已期年民益安之郡之後圃
初有庫屋五楹荒地特甚乃仍其舊畝以軒楹環
以流泉爰即中楹列三賢繪像清獻公里居孝弟
所應繪事而范太史之系實寓居超化寺代有令
聞視衢為歸紹興制音且命范氏經理司馬文正
之緒范所寓則文正公之所寓也乃以文正太史
三像參繪清獻名其堂曰景高使元祐風烈奮厲
乎百世之下豈特為登覽烟雲嘯詠風月已哉

塵外堂 天啟衢州府志在郡治

毛斤塵外堂詩地
勝無邇遠眇然契

高躅山色潤窗扉爐烟淨花竹玩世久志
名采真固疑獨門外三尺塵先生睡初足

中和堂 徐夢龍復建郡治記郡治舊有堂曰中和

承澤堂 天啟衢州府志在西安縣孔聖家廟西

雙桂堂 弘治衢州府志在府治西韓徽猷宅

獨清堂 名勝志在殷浩廟側趙清猷舊遊之地

清陰堂 名勝志在南禪寺趙清猷舊蹟

昭慶堂 弘治衢州府志在郡城和豐門內宋吳煥

建

崇恩堂 天啟衢州府志在西安縣狀元坊內宋留

恬登進士仕至開府建以寓報本之意

谷口堂 程俱有山居谷口堂詩見弘治衢州府志

臨清堂 萬曆常山縣志在縣東南宋趙希館建

雙溪堂 輿地紀勝江山縣雙溪泉在縣市中有雙

溪堂為負邑佳處

祈年堂 天啟衢州府志江山縣登真巖有潭唐刺

史投龍祈雨名為天泉宋守范祖德作堂其址

世學堂 弘治衢州府志江山縣柴禹功受業楊時

之門時扁其堂曰世學

七賢堂

名勝志在開化縣華川黃泥嶺下宋少卿

江緯築公姪少虞齊漢與汪藻程俱李處權趙子

畫七人從游時人指為文中七虎云

江緯七賢堂
拜星月詞退

處鄉闕幽棲林藪舍宇第須茆蓋翠巖清泉啟軒
窗遙對遇等閒鄰里過從親朋臨顧草草便成幽
會策杖攜壺向湖邊柳外旋買溪魚使斫銀絲膾
誰復欲痛飲如長鯨吞海共惜曛酣恐散娛難再
別清風明月非錢買休追念金馬王堂心膽碎且
鬪尊前有阿誰身在張棖和拜星月詞十里烟堤
百花風榭游女翩翩羽蓋綵柱秋千感花梢嬌對
矧門外森立喬松日花爭麗猶若當年文會廊廟

愛龍增卜隣郊外真率盤餐玉糝金齏同蕭散
寄傲尊壘傾北海佳處難忘約追歡須再況風月
不用一錢買便回首七虎堂中
心欲碎千里相思幸前賢猶在

逍遙堂 弘治衢州府志在開化縣北地名馬金宋

淳熙中汪觀國任歸築堂後為包山書院

自娛堂 萬厯開化縣志在龍山鄉宋程如所居

楊廷

秀題程如自娛堂詩萬夫掉臂煩心熱一室潛身
古道寒砵几春風牙軸亂短檠夜雨玉蟲殘忽於
妙處有所得自謂平生無此歡雁
鶩爭前問錢穀了煞涇渭不相干

晚香堂 天啟衢州府志在開化縣南邑人元徐伯

昌所居伯昌詳究易理性嗜菊以晚香名其堂

高齋方輿勝覽在西安縣治北宋趙抃歸老作此

齋西安縣志內有濯纓亭逸老亭水月亭皆朱文

公書扁

趙抃退居十詠軒外長溪溪外山捲簾空曠水雲間高齋有問如何樂清夜安眠白

畫開右高齋池閣孤清嫩碧流太空懷抱物華秋
圓蟾默有中宵約幾照開雲為我收右池亭魚不
能言似可哀竭池千數競徘徊穀江深處呼童放
羨爾優游得所哉右放魚少時親手植雙松畫愛
層陰夜聽風今日歲寒踰五紀也應心似主人翁
右雙松暑威何處稱疎慵百本修篁小檻東時有
清風送消息此君多在不言中右竹軒動入和風
靜惹烟翠條疎處露池蓮林中盡是能吟物春有

黃鸝夏有蟬右柳軒疎徑修筠郊外居小亭隨意
傍歸歟等閑早暮攜筇到池沼東頭是舊廬右歸
真亭亭上秋登遠目明濯纓誠不是虛名晴波一
片如鋪練浮石江心徹底清右濯纓亭累歲辭榮
得帝俞老來天幸有誰如腰間已解黃金印歸有
田耕二頃餘右附郭田烏巨東西氣候秋于湖岡
隴暮雲浮欲觀古佛叢林地只用憑欄一舉頭右
巨山蘇軾寄題趙閱道高齋詩見公奔走謂公勞
閱公退引云公高公心底處有高下夢幻去來惟
所遭不知高齋竟何義此名之設原吾曹公年四
十已得道俗緣未盡餘伊卑功名富貴俱逆旅黃
金知繫何人袍超然已了一大事掛冠而去真秋
毫坐看猿獮落置網兩手未肯置所操乃知賢達
與愚陋豈直相去九牛毛長松百尺不自覺企而
羨者蓬與蒿我欲羸糧往
問道未應舉臂辭虛教

怡顏齋 胡翰怡顏齋銘序衢之超化寺昔朱子

呂子嘗寓焉寺故有雲山閣怡顏亭悉廢矣惟朱子所書亭扁石刻余於祝仲文家見之仲文有吏能退居委巷遂名其齋曰怡顏乃為之銘

克齋 名勝志江山縣西山徐復殷家於此宋理宗賜克齋二字

雪竹軒 名勝志在邵齋有屋二楹中檻植竹敲風擊雪音韻鏗然

覺軒 天啟衢州府志宋元豐狀元黃裳來遊開化
愛招福院山水而寓焉寺僧構軒裳為題扁

聽雨軒 弘治衢州府志在開化縣北汪觀國字廷
元於所居作逍遙堂翼之以軒扁曰聽雨與其弟
端齋燕息以終老復遣其子浚從遊東萊之門時

晦菴自建安來過張南軒陸象山呂祖儉各賦聽

雨軒詩以美之

朱熹汪端齋聽雨軒詩試問池塘
春草夢何如風雨對林詩三熏三

沐事斯語難弟難兄此一時為母靜彈琴幾曲遣
懷同舉酒千巵蘇公感寓多遊宦豈不臨風尚爾

思呂祖謙次韻聽雨軒詩弟兄真樂有誰知頗憶
蘇公聽雨詩小院深沉人靜後虛簷蕭瑟夜分時
對牀魂夢歸燈火浮世身名付酒卮
書冊一窻生計足怡然戲綵慰親思

龜峯亭 輿地紀勝在舊郡治內

月坡亭 天啟衢州府志郡守吳興施公作毛玕記

來月亭 名勝志在郡圃蓮池上

蒙泉亭 天啟衢州府志在府治平山堂後泉上

平山亭 天啟衢州府志在郡治元大德癸卯治中

陳孚作自為銘今扁曰大觀亭

西安縣志即
今遊矚亭

羣峯亭 趙抃有登郡城龜峯羣峯亭詩

徵夢亭

晏公類要在州衙之東唐豆盧署建

天啟衢州

府志豆盧署初名輔真少旅於衢刺史鄭式瞻謂曰子復姓不宜二名乃書署字授之夕夢老父云聞使君與君易名當四舉成名後二十年後茲郡指一地方曰此處可建亭臺後悉符所夢果刺衢於所指地立徵夢亭

風亭

弘治衢州府志在郡城吳興施德初建

西安縣志

疑即今霄觀亭在埭堰西南挺出一道如臺界於濠間今為霄祀之所

謹按郡志職官宋刺史有施元之德初或其字也

雨亭 弘治衢州府志在郡城

闖山亭

天啟衢州府志在郡城

毛汧闖山亭詩述
峯巖然來近峯矗

然出作亭以延之入眼青突兀何人切雲冠凜凜
相映發有如衆君子可望不可屈平生謝宣城愛
山甚饑渴笑談了官事獨往寄超逸捲簾新雨霽
伏檻孤雲沒遙知尊俎外秀動龍蛇筆朝來有爽
氣不待羣木脫心賞
信無同佳人渺天末

風月亭 天啟衢州府志在郡城

觀稼亭 天啟衢州府志在城隍廟南下視平遠青

山入雲為城中偉觀

捲雪亭

輿地紀勝在郡城航遠門外俗稱水亭門

竚舟亭

毛玘竚舟亭記太守吳興施公元之治衢

明年作亭西溪之上既成請以竚舟為名而記之

日遲亭

瞿溥日遲亭記三衢多靈山惟石室以爛

柯著去郡治稍近因建亭於山上取昔人春遠日

遲之詠顏其亭

西安縣志亭在爛柯山青霞洞側今陳鵬年重葺名曰柯山亭

繡谷亭

程俱有繡谷亭詩見弘治衢州府志

穀坡亭

萬厯龍游縣志在縣北五里穀坡巖上宋

呂防建

天啟衢州府志穀水亭在穀溪山下汪泌穀坡亭詩波紋端與穀紋同正倚欄干想

像中更被輕舸橫截
去斜陽染得半江紅

插花亭

龍游縣志縣南天堂山其山半為插花亭

冷公亭

萬厯龍游縣志在冷水華嚴菴相傳元末

冷謙曾寓於此

獨往亭

名勝志在常山縣容車山宋趙鼎建

沈與求獨

往亭詩林下何人伴歲寒亭前相對小檀欒年來
聞道烟梢長乞與衰翁把釣竿趙鼎自題獨往亭
詩亭前舊種碧琅玕別後何人著眼看
上下溪流接湖水時憑雙鯉報平安

靈淵亭 弘治衢州府志在常山縣西白龍洞山

萃賢亭 名勝志在江山縣禮賢鎮邑人周穎建王

安石蔡襄歐陽修王安國范鎮梅堯臣吳光韓維

韓絳王祺石揚休蘇舜欽劉湜蕭公才李大臨吳

宗復邵必李際曾鞏皇甫澄余藻張大有皆有詩

歐陽修萃賢亭詩君家富山水占勝作高亭坐聽
溪流響能令醉客醒陽生羣木秀寒入亂峯青吾

子東南美人
賢益地靈

始喜亭 天啟江山縣志在江山縣南面烟蘿洞宋

嘉泰三年令黃汝嘉名之

江山竒觀亭 明一統志在江山縣治西西山邑人

擇勝為亭宋令黃汝嘉題扁

竹亭 徐公遴開化雲隱洞記西山之北有雲隱洞

洞之勝在靈山之竹亭

天啟衢州府志在靈山寺側後移於西山之麓

無盡藏亭 萬厯開化縣志在和平通濟橋溪之西

宋曾鞏題扁毛玕有記

女樓 弘治衢州府志在龜峯崢嶸間唐會昌中崔

耿為郡重作之名曰東武以識世封

崔耿東武樓
記衛之城成

於龜山崢嶸嶺上其守之居西北角有樓以女名
之耿按信安分於東陽昔姑蔑國也其地上當婺
女之舍次意其號樓亦或在此圖經無記宿老莫
傳故莫知其所以女名其樓之義者結構年深參
差傾脫會昌辛酉歲余祇命作守至此踰月條悉
郡理之餘視其將毀壞命工度其形勢難加補葺
乃重作之上樓下室左右昇降洞然無衝礙焉南
附小樓舒二翼而抱之室立壁垣樓徹戶牖有山
在前有水在下浩然羣籟挈挈哦哦陰魄懸光陽
輝陸眩一邑風景萬井人烟飄飄然出乎虛無之
際歷四候之變態觀萬物之動息安其所安聊樂
以處耿也本清河東武城人六代祖歧叔諱鑣任
隋為散騎侍郎內史舍人文林館學士應詔入都
遂留於都曾祖考太保忠公以道事君任冠中外

自并入觀報政册勲復開園於東武城於戲大凡
為人後者動一意舉一足不敢忘其本因舊址作
新樓北向臨風萬感俱集強名東武以成
愚志遂磨貞石日而月之書其所以然也

謹按崔狀以會昌二年為刺史撰東武樓碑記天
啟郡志藝文內訛為耿自古女樓記竟以耿為姓
自古為名而西安
縣志亦承其誤

華豐樓 天啟衢州府志在西安縣西地名橋下西

安縣志元王都中建

王逢衢州華豐樓望柯山江
郎石詩華豐樓信美登望久

踟躕木落偃王廟天寒姑蔑墟屏開山石
遠青鎖洞霞虛不有從親役乘風振珮琚

永清樓 熙春樓 弘治衢州府志並在郡城

明遠樓 天啟衢州府志在江山縣治內宋知縣程

準建

程準明遠樓詩帆帶暮雲歸別浦厓拖秋色
落澄波天連尺五銀河挽月倍尋常玉鏡磨

奇氣樓 天啟江山縣志在長臺國史柴望建

文會閣 弘治衢州府志在郡齋即唐刺史李穀置

二石處

從山閣 夕佳閣 環映閣 景高閣 弘治衢州

府志並在郡治

雲山閣 名勝志在郡城超化寺後城上明一統志

宋守張嶼建

橫山閣

薩天錫有題烏石山仁王寺橫山閣詩

懷舒閣

弘治衢州府志在江山縣仙居院前有水

簾宋毛諫議注即其前為閣

高山閣

天啟衢州府志在開化縣西卧佛山麓唐

末長史胡公億所建高據四山為一邑冠

桂巖閣

名勝志開化縣東南馬岷溪之上五代時

侍御史江景房卜築於此前有山壁立百仞中有

秋香一本自石竅出與巖對峙宋隆興間七世孫
侍御溥構閣

萃清閣 嘉靖浙江通志開化縣金馬嶺金溪之水
合於此宋時建閣於上

芙蓉臺 弘治衢州府志郡城崢嶸山舊芙蓉臺在
其處

采月臺 明一統志在府城中宋時築

景高臺 明一統志在府城中

超霞臺 常山縣志在金川門山巔

月波臺 天啟衢州府志在開化縣金錢山北宋山

長江天然建天然二子俱中神童科朱子過訪為

書月波臺

朱熹月波臺詩憑潺湲水注回塘中作平臺受晚涼四面不通車馬跡一尊聊

飲芟荷香韓公無復吟花島楚客何妨賦
藹房少待須臾更清徹月華零露洗厓牀

殷浩宅 元豐九域志在西安縣基地猶存土人號

曰殷牆

天啟衢州府志在西安縣南六里信安故城中浩在晉為中將軍建元間北伐為姚

襄所敗廢為庶人貶居於此其址猶存道傍有小石室其神為介冑之像

鄭革宅 弘治衢州府志西安縣砭石山五峯拔起

隱者鄭革居其下夜見光怪訪其處得古劍戟二

趙抃宅 弘治衢州府志在西安縣北五里孝悌里

初抃喪繼母與弟拊廬墓縣令過勗榜其里曰孝

悌築闕立表樓鑰為書忠孝之家

明一統志趙抃
故居宋咸淳中

郡守立為
清獻書院

王安宅 名勝志西安翠微山宋招討使王安所居

陳師錫宅 弘治衢州府志在府治西南隅宋崇寧

間陳師錫謫居於此民愛其賢故稱陳殿院宅

毛自知宅

西安縣志卧龍山在縣東其下為宋狀

元毛自知所居亦名狀元峯

馬天驥宅

萬厯龍游縣志資福山左為馬府即宋

樞密馬天驥宅

陸秀夫宅

龍游縣志縣南有桃源宋陸秀夫以忤

賈似道嘗棲於此今呼尚書塢

王介宅

嘉靖浙江通志常山縣賢良峯宋王介讀

書其下後舉賢良第一故以名峯

江躋宅 明一統志常山縣北廡峯宋侍御史江躋
故宅在焉

樊曾宅 天啟衢州府志常山縣北有疊石崖上有
富宋學士樊曾居焉

徐國鎮宅 天啟衢州府志常山縣西彤弓山宋咸
淳間徐國鎮讀書其中愛之遂徙居焉

祝臣宅 天啟衢州府志在江山縣郎峰下

毛漸宅

天啟衢州府志在江山縣禮賢溪西

毛注宅

毛臬宅 天啟江山縣志並在鎮安清漾

柴弓宅

衢州府志八行柴弓宅在江山縣長臺

徐揆宅

衢州府志宋徐宅卿宅在江山縣任陽

毛晃宅

嘉靖衢州府志在江山縣沙堤宋鐵硯先

生毛晃父子閉門著書處今為高齋書院

姜夔宅

天啟衢州府志在江山縣石城

吾衍宅

天啟衢州府志吾衍元初居開化縣石井

後寓杭之生花坊

洞菴 弘治衢州府志在郡治塵外堂傍

仙巖洞天 明一統志西安縣仙巖太祖兵下江西

過此鄉書仙巖洞天刻於石

溪菴 趙抃有題毛維瞻溪菴詩見衢州府志

幽巖精舍 周必大烏石山題名烏石山龍游境也

其上幽巖精舍今為宗室儀泰孝王功德寺

潛心室 嘉靖浙江通志在江山縣長臺宋柴禹聲

建

青霞洞天

方輿勝覽在開化縣

崇禎開化縣志內有妙高臺韜雲磴

寂光菴谷口堂雲巢繡谷堂梅谷普潤池妙湛池
崇蘭塢漆林竹嶺聽雲菴翠軒菊泉見程俱詩

題

雙石

西安縣志郡治前有小蛾眉峯唐乾符間刺

史季穀置砦龍山得二石長六尺取置文會閣宋

淳化間郡守慎知禮移於治前積土為峯後訛為

郭璞墓宋紹聖中郡守孫賁發之宣和中郡守高

書其下後舉賢良第一故以名峯

江躋宅 明一統志常山縣北廡峯宋侍御史江躋
故宅在焉

樊曾宅 天啟衢州府志常山縣北有疊石崖上有
富宋學士樊曾居焉

徐國鎮宅 天啟衢州府志常山縣西彤弓山宋咸
淳間徐國鎮讀書其中愛之遂徙居焉

祝臣宅 天啟衢州府志在江山縣郎峰下

毛漸宅

天啟衢州府志在江山縣禮賢溪西

毛注宅

毛臬宅 天啟江山縣志並在鎮安清漾

柴弓宅

衢州府志八行柴弓宅在江山縣長臺

徐揆宅

衢州府志宋徐宅卿宅在江山縣任陽

毛晃宅

嘉靖衢州府志在江山縣沙堤宋鐵硯先

生毛晃父子閉門著書處今為高齋書院

姜夔宅

天啟衢州府志在江山縣石城

吾行宅

天啟衢州府志吾行元初居開化縣石井

後寓杭之生花坊

洞菴 弘治衢州府志在郡治塵外堂傍

仙巖洞天 明一統志西安縣仙巖太祖兵下江西

過此鄉書仙巖洞天刻於石

溪菴 趙抃有題毛維瞻溪菴詩見衢州府志

幽巖精舍 周必大烏石山題名烏石山龍游境也

其上幽巖精舍今為宗室儀泰孝王功德寺

潛心室 嘉靖浙江通志在江山縣長臺宋柴禹聲

建

青霞洞天

方輿勝覽在開化縣

崇禎開化縣志內有妙高臺輻雲磴

寂光菴谷口堂雲巢繡谷堂梅谷普潤池妙湛池
崇蘭塢漆林竹嶺聽雲菴翠軒菊泉見程俱詩
題

雙石

西安縣志郡治前有小蛾眉峯唐乾符間刺

史季穀置砮龍山得二石長六尺取置文會閣宋

淳化間郡守慎知禮移於治前積土為峯後訛為

郭璞墓宋紹聖中郡守孫賁發之宣和中郡守高

至臨復歸故處明郡守李遂又復去雙石植於游
矚亭之側其發雙石處即今戒石亭也

石鼓 天啟衢州府志在龍游縣九里橋葉公宅外
余端禮幼時從學一日赴學早門未啟端禮假寢
鼓上葉公夢黑龍蟠鼓起視見端禮焉

烏石山古松 龍游縣志山口古松一株幾歷千禩
婆娑特甚

浙江通志卷四十八